



特 別
^20
3573
4



八20
3573
4

杜樊川集卷十四

東海朱一是近脩

丹山吳 璵于庭

評次

高元裕除吏部尚書制

勅昔有虞氏貴德尚齒言於四代其道最優今
吾卿老富有道德以大冢宰表率群寮顧予敢
專得於僉議前山南東道節度管內觀察處置
等使銀青光祿大夫檢校尚書使持節襄州諸
軍事兼襄州刺史御史大夫上柱國渤海縣開



<2003-1546>

國男食邑三百戶。高元裕始以御史諫官在長慶寶曆之際。匡拂時病。磨切貴近。罔有顧慮。知無不爲。復以諫議舍人在。大和末。詞摧凶魁。坐

二宮。繼爲中丞。京兆公卿藩服。朕始在位。徵歸朝廷。爰自尚書。與分茅土。爲政以德。行已惟仁。信而履之。服而樂之。餘三十年。道益昭著。夫中外之任。迭有重輕。今者干戈蘊藏。戎狄信順。將欲詳考典禮。開張教化。使吾丞相已降。有所咨稟。非爾元裕。其誰膺之。至於官業。豈勞倚任。

祇聽出納。無忘教戒。可守吏部尚書散官勳封如故。

煌煌大言齊聲典誥

崔瑒除刑部尚書蘇滌除左丞崔瑒除
兵部侍郎等制

勅。喉舌百官之本。綱轄天下之要。戎政國之大
事。慈三人爲衆。語一舉得之。唯君知臣。予不敢讓。正
議大夫尚書左丞上柱國賜紫金魚袋崔瑒。德
可標準。言成文章。揚歷中外。道益光顯。左省駁
議。不畏強禦。分憂陝服。尹茲東郊。政旣安人。化
能披俗。擢任藻鑒。旋職牢籠。材皆適宐。官無逋
事。分鎮股肱之郡。遂成功實之臣。陟處綱曹。副

以中憲。每師遽瑗。常慕史魚。枿彈之勇。正當時。病。翰林學士承旨銀青光祿大夫行尚書兵部侍郎知制誥武功縣開國男食邑三百戶蘇滌。行冠人倫。爵高天秩。仁義禮樂之是務。克伐怨欲之不行。翱翔禁闈。出入諷議。汲黯爲郡。嘗聞卧理。下惠去國。皆以直道。洎宣室思賈。甘泉召雄。造膝盡忠。代言稽古。近以微恙。懇請自便。君子之道。進退可觀。正議大夫前權知尚書戶部侍郎上柱國博陵縣開國子食邑五百戶賜紫

金魚袋崔瑒。上知自得。不器難名。旣擅高文。兼通樸學。掌言綸閣。典貢春闈。詞同三代之風。士掇一時之秀。振舉職業。昭宣令名。詩曰。多士文王。以寧禮曰。官備天子爲樂。咨爾瑒等。實瑞清時。予爲爾之德隣。爾膺予之慎選。典刑不忘於哀敬。提綱唯在於公勤。舉司馬法。勿踵近習。各膺重任。企伸上酬。宐於夙夜。無孤官業。瑒可守刑部尚書散官。勲賜如故。滌可行尚書左丞散官。封如故。瑒可權知尚書兵部侍郎散官。勲封

賜如故。

吐經沫雅鏗然古風

咸極弘斐

裴休除禮部尚書裴諗除兵部侍郎等

制

勅。冉有仲由。孔氏門人之高弟也。尚曰處於小國。可爲具臣。况今照臨百官。撫御四海。綰牢籠。漕輓之職。掌五兵六師之重。次第超擢。爲吾大寮。若非僉諧。豈敢輕授。正議大夫守尚書兵部侍郎兼御史大夫。充諸道鹽鐵轉運使上柱國河東縣開國子食邑五百戶。賜紫金魚袋裴休。仁義禮樂。文行忠信。積此八者。以爲成人。前宣

歙池等州都團練觀察處置等使太中大夫檢校左散騎常侍兼御史大夫上柱國河東縣開國男食邑三百戶賜紫金魚袋裴諗在元和代唯帝念功四夷九州文化武伏咨爾先父貴著大勲天必祚仁門有令嗣道直才富行備名高文學而浹洽專精率履而清淨恭儉而皆周歷華顯踐更臺閣處事可法出言成章咸輟自綸闡任寄方伯教訓以禮生聚以仁千里封疆一口歌詠休乃命以取士時稱得人用其公方委

之管權事爲之制曲爲之防鉤校姦賊未減賦取公財不耗疲人樂生望爲準繩立作據伏名實兼備德位兩高漢史曰理行尤異者就加禮曰有功於人者進律秩崇八座官副夏卿舉以授之予亦何怪夫宰相佐天子公卿助宰相股肱指臂任同一身有事必言未爲越局無由愛惜勉答寵榮休可禮部尚書依前充諸道鹽鐵轉運等使諗可權知尚書兵部侍郎散官勲封賜如故

澹雅爲質清令爲文宋人劄帖之祖



畢誠除刑部侍郎制

勅士師臯陶之恤刑司寇蘇公之用獄既盡哀
敬能致治平擢爲大寮膺茲慎選出於予志委
以誠臣翰林學士朝散大夫守中書舍人上柱
國平陰縣開國男食邑三百戶賜紫金魚袋畢
誠學臻壺奧文越拘攣常以忠信古質爲前後爰
自郎署擢居內庭謀議有同於壽王奇異輒委
於嚴助竭盡心力裨補機要旣久歲序湏議遷
昇今者耕夫服田戎馬不駕欲使凡一手足皆

獲措置。是故用汝。典予刑罰。汝其往哉。吾今告汝。吾聞孔子曰。古之聽獄。求所以生之。今之聽獄。求所以殺之。宐念格言。深思倫要。九服休命。以稱朕意。可權知尚書刑部侍郎散官勳封賜如故。

獎訓温藹盛世之音

韋有翼除御史中丞制

勅。昔貞觀開元之爲理也。遠隱必見。情僞必知。天下如一家。兆庶如一人。無他道也。綱目皆振。法令必行。祖宗在天。方冊在地。人存政舉。行之非艱。故用正臣。委之邦憲。朝請大夫守尚書刑部侍郎上柱國賜紫金魚袋韋有翼。戴仁而行。抱義以處。墻仞古雅裏峻壇。宇外寬介。特守君子之強。文學盡儒者之業。周歷華貫。擢爲諍臣。攻予甚專。言事頗切。願試佐輔。移理陝郊。馮翊之恐。

夫倪寬穎川之意得黃霸壺漿迎路襁屬攀車
 徵為公卿愈見風彩恤刑慎罰守法當官巍然
 立朝為時準直今者跡其率理委之糾繩爾其
 念振筆不矧拾惠文彈理之言思立秋授署之旨三尺律令
 四海紀綱所宜公共無即上意古人有言曰凡
 為虎鼠計於用舍今者倚任佇觀爾能唯名知
 臣無累所舉可守御史中丞散官勳封賜如故

王言作憲岸然有松筠霜立之概

趙真齡除右散騎常侍制

勅仲尼曰慎擇爾臣為人之導夫語言應對之
 選為顧問耳目之官若非善良必致壅害朝散
 大夫守太子賓客上柱國漢中郡開國公食邑
 二千戶賜紫金魚袋趙真齡其先君子祇事祖
 宗出入屏毗餘四十載爾為令嗣克肖素風好
 學頗專樹善不倦凡曰賢彥無不與遊想見雲水登
 臨其人多聞放志風塵趨競殊不縈心是以長人有
 慈惠之名處官無纖介之失其為行已斯亦多

矣。丹墀文陛之內，貂羽金蟬之榮，超以授之，無忝所舉。可守右散騎常侍散官勳封賜如故。

言具蕭疎之概，制書變體。

韓賓除戶部郎中裴處權除禮部郎中

孟璲除工部郎中等制

勅朝散大夫守尚書水部郎中上柱國韓賓等尚書天下之本。郎官皆爲清秩。非科名文學之士罕與其選。以賓端貞有守。以處權俊乂出群。以璲才能適用。皆茂鄉里之稱。咸爲名實之士。各服休命。勉於官業。可依前件。

簡當

鄭處晦守職方員外郎兼侍御史知雜

事制

勅朝議郎行尚書職方員外郎上柱國賜緋魚
袋鄭處晦御史中丞韋有翼上言曰御史府其
屬三十人。例以中臺郎官一人。稽參其事。以重
風憲。如曰處晦。族清胄貴。能文博學。人倫義理。
無不講求。朝廷典章。飽於聞見。乞爲副貳。以佐
紀綱。以爾處晦。常居內庭。草具密命。自以疾去。
于今惜之。頗俞其言。如我自得。有翼爲爾之知。

已。余爲有翼之德。隣上下交舉。豈有私愛。勉修職業。所報非一。可守本官兼御史知雜事散官。勲賜如故。

清古遠勝偶調

庾道蔚守起居舍人李汶儒守禮部員外郎充翰林學士等制

勅天下爲公。選賢與能也。况乎伎出流輩。超侍帷幄。豈唯獨以文學。止於代言。亦乃密參機要。得執所見。若非賢彥。豈膺選擢。將仕郎守起居舍人庾道蔚善行必備。重價無對。嘗自侯府。升爲諫臣。每直言而盡誠。不違忠而偶意。朝議郎行尚書禮部員外郎賜緋魚袋李汶儒才行冠時。名聲譁衆。揚歷臺閣。宣昭職業。無入而不得。

其道守正而莫混其源。並為儒者之英。咸蘊賢人之操。久遊安在相見。何晚。禮曰君子稱人之美。則必爵之。我既言矣。亦能繫維。宜盡忠讜。以酬寵遇。並可守本官。充翰林學士。餘皆如故。

雋逸多姿

李朋除刑部員外郎李從誨除都官員

外郎等制

勅書曰。庶獄庶事。予敢罔知。此乃周文王之所理天下也。惟獄惟事。會於南宮。求郎之難。豈敢輕易。將仕郎侍御史內供奉李朋。能積行實。發其詞華。勁正端慎。官業克舉。天平軍節度副使朝議郎檢校尚書祠部員外郎兼侍御史賜緋魚袋李從誨。宗室子弟。美秀而文。嘗經磨涅。不改堅白。今者取自憲府。擢於幕吏。各有所授。皆

本朝川集 卷十四 十三
為清秩。當自宣室受讞之際。思滿堂飲酒之言。至於刑章。尤繫念慮。予曰。罪爾勿罪。予曰。寬爾勿寬。問法何如。無節上意。各宜勉勵。勿自輕怠。朋可守尚書刑部員外郎散官如故。從誨可守尚書都官員外郎散官如故。

勗勵處猶存唐虞三代之風

權審除戶部員外郎制

勅文林郎守尚書水部員外郎權審。湖嶺早曠。百姓枵耗。老弱死道。上強壯入賊中。爰求使臣以救其弊。執事者上言。爾審學古有文。通知理道。遂使馳驛視吾饑人。果能臨事知權。受命達旨。撫慰流散。宣導恩澤。蠲貸逋逸。能裁濶狹。大小輕重。各合事宜。雖古所謂直指繡衣。美俗使。者言之於爾。無以過焉。用超名曹。以酬往效。無曠官業。勉服休命。可守尚書戶部員外郎散官。

如故

清華

皇甫鉷除右司員外郎鄭深除侍御史

內供奉等制

勅夫聖人^{曠逸}之聖百代同道無他術也綱紀盡舉而關轄不寬故提綱主轄之司為邦立理之本言於其屬豈敢輕取浙西道都團練副使朝議郎檢校尚書刑部員外郎兼侍御史賜緋魚袋皇甫鉷鄉里秀人臺閣名士能以文學發為官業朝議大夫前守河南縣令上柱國鄭深生於清族克肖素風凡守郡邑皆著理行會府藁委

滿洒如意

之任。憲司抨彈之職。委之授汝。得不戒之。夫爲政也。日夜思之。勤而行之。此乃子產之言也。剛亦不吐。柔亦不茹。此乃詩人之所稱也。四海百司之條目。舉之在勤。破制壞法之奸。蠹糾之在敢。率是二者。可曰當官。各服寵榮。無忝遷擢。鈺可尚書右司員外郎散官。賜如故。深可侍御史內供奉散官。封勲如故。

秀姿令音。迥出漢晉之上。

韋退之除戶部員外郎裴德融除殿中

侍御史盧穎除監察御史等制

勅。仲尼見負版者。則必式之。此言爲國根本。不敢不敬。况其官屬。豈可輕用。漢家授署御史。多於立秋。蓋以風霜始嚴。鷹隼初擊。古人垂旨。可以知之。朝議郎行殿中侍御史韋退之等。皆章甫高危。逢掖褒博。表裏文行。師法典常。退之嘗歷憲臺。久居官次。性旣安靜。事皆達練。德融典校延閣。服膺群書。美價廣譽。旁溢遠暢。穎佐賢

侯名聲籍甚。留滯在外。而非所宜。地官爲郎。南臺持斧。皆有職業。佇見風彩。各思率勵。以副甄昇。並可依前件。

因人品騰風采各具

李蔚除侍御史盧潘除殿中侍御史等

制

勅將仕郎守殿中侍御史李蔚。劔南西川節度判官朝議郎檢校尚書禮部員外郎兼侍御史上柱國賜緋魚袋盧潘等。夫法不立而化行。惡不去而善進。雖使堯舜在上。未之有也。故御史之舉職者。前代有埋輪都亭之奏。國朝亦有戴豸正殿之効。若非端勁知名之士。不在斯選。蔚以文行進用。已著勞效。潘以儒雅流聞。今膺拔

擢有司列狀詞者頗公使吾綱目盡張隄防不
 壞不在法吏其在他乎朕闢祗官之門語妙開天下
 之口企以待理無有厚薄爾等吐茹侮畏之道
 能不愧於詩人斯塞職矣可不勉之蔚可侍御
 史散官如故潘可殿中侍御史散官勲如故

御史制最為警切

盧告除左拾遺制

勅承奉郎行京兆府長安縣尉直史館盧告朕
 觀不理之代無他道也取唯諾之士為耳目之
 官是以太宗皇帝之理天下也德為聖人尊為
 聖帝三日不諫必責侍臣况予寡昧固多遺闕
 不官才彥安能知之告是吾賢卿老之令子弟
 也以甲科成名以家行稱著取自史閣拔居諫
 垣夫朕之不德吏之不平政之失中人之不寧
 四者之闕悉陳其志此乃漢文帝開諫諍之詔

也。忠告不倦。爾當奉職自用。則小予不吝過。勉思有犯。無事遜言。可依前件。

意篤詞秀

蕭峴除太常博士制

勅。禮至則無怨。樂至則不爭。揖讓而理天下者。禮樂是也。今國家上法三代。下採兩漢。質文隆殺。皆有舊章。今命博士。非欲革其儀法。但欲提舉考習而已。登仕郎守秘書省著作佐郎蕭峴。聞爾昆弟之間。著友愛之稱。復能於知己。依投之地。竭力報効。况乎富有文學。默守恬退。執心處已。不亦多乎。爾其爲吾折中輕重。詳校疑似。使祝宗卜史之徒。不敢以近習欺爾。斯則可矣。

勉於自強。可守太常博士散官如故。

澹言自斐。要言自該。

杜濛除太常博士制

勅。守左拾遺杜濛。爾五廟祖。嘗佐太宗。同安生
 人。共為天下者也。爾能自以文學策名清時。升
 為諫臣。豈曰虛授。如聞同列。墻進而。不爾容。爾
 亦拜章。自陳極辭。貢憤。乃令徵辨。盡知其由。僉
 曰。爾以齒少。有才。不能韜晦。或處眾矜已。或遇
 事。褊衷。言於慎微。則亦乖矣。仕於清貫。斯豈廢
 乎。考眾惡。必察之言。徵怨不在大之說。官移禮
 寺。跡去掖垣。屈既伸。眉事亦存。體酌此二者。頗

直言其短

抑揚有致

得中道。說乎職業至重。蘊蓄可施。無使衆多。復有窺測。可太常博士。

君勅臣不妨直言。詿誤今之制。誥皆浮辭。斐譽矣。亦古今升降之別。

馬曙除右庶子王固除太僕少卿王球除太府少卿等制

勅前度支河東振武天德等道營田供軍使檢校太僕卿兼御史中丞馬曙等。或以文學策名。或以吏才進用。久更官次。皆著勞效。西漢趙充國。八十老將。通知四夷。以為排折羗虜。非穀不可。今浚稽山南。遮虜障北。坐甲待食。不下十萬。曙以文學之暇。頗好論邊。果能峙糧飽吾戰士。固此為郡。亦報善政。球。倅。賓。席。得。專。留。事。兵。於。

絕無縛語

其。郊。所。命。皆。具。東。朝。崇。秩。列。等。貳。卿。各。服。官。榮。
以。俟。昇。擢。可。依。前。件。

籌邊足餉非數人贊力不能亦見三官之協

恭

李叔玫除太僕卿高証除均州刺史萬

汾除施州刺史等制

勅。壯。武。將。軍。檢。校。太。子。賓。客。前。兼。右。金。吾。衛。將。
軍。監。察。御。史。上。柱。國。襲。岐。國。公。食。邑。三。千。戶。食。
實。三。百。七。十。戶。賜。紫。金。魚。袋。李。叔。玫。等。夫。伊。呂。
之。為。將。也。每。以。救。扶。為。心。故。其。苗。裔。福。隨。殷。周。
我。西。平。王。功。存。社。稷。慶。流。後。嗣。子。孫。多。賢。裂。土。
分。茅。玫。弘。毅。知。書。洵。美。且。武。儒。士。多。譽。將。才。頗。
高。慶。忌。一。門。盡。有。爪。牙。之。用。金。敞。舉。族。皆。著。忠。
綜引亦新

厚之名。置將軍之符。列卿寺之任。曰文曰武。唯上所命。首爲才士。實曰寶臣。証之與汾。爲吏歲久。文學績效。皆有可觀。清江武當。有人有賦。豈自薄小。宜遵詔條。無忝寵榮。以稱朕意。可依前件。

新聲可矜一空塵宿

李珣贈司空制

維大中六年歲次壬申五月丁卯朔十六日壬午皇帝若曰。國有元老。道可咨稟。天命不助。倏然去我。宜加褒命。以慰重泉。咨爾故淮南節度副大使知節度事管内營田觀察處置等使金紫光祿大夫檢校尚書右僕射兼揚州大都督府長史御史大夫上柱國贊皇縣開國公食邑一千五百戶李珣。立德行道。繼長增高。貴而益修。老而彌篤。在文宗朝。徧歷清近。內備顧問。嘗

摧奸兇。外領事權。善提故典。爰付魁柄。實肖象求。鎮撫四夷。莫不信順。訓導百吏。皆有程品。左官荒服。衆寃非罪。事君以道。知我其天。李固之確論無私。周公之金縢終啓。自朕統御。尊敬舊老。分委戎輅。作鎮孟津。訓兵令行。治人化洽。飽聞聲聞。渴見風彩。以大冢宰徵歸朝廷。讜直忠貞。骨鯁魁壘。凡所陳啓。無非法誠。遂乃裂授東夏。表率諸侯。能救饑艱。克爲康泰。初陳徵恙。請捐重寄。驛騎奔問。侍醫臨理。旋聞大病。却食涕

雋句時出

流命也。奈何痛悼不及。今遣使某官副使某官某持節冊贈爾爲司空。寬而有知。鑑茲誠意。嗚呼哀哉。

鄭重其詞。見敬大臣之禮。殊不潦草。以應故事。

歸融贈左僕射制

勅有祿位而享富貴。啓手足而歸壤樹。身歿名著。生榮死哀。蔚爲大臣。宜遵贈典。故金紫光祿大夫守太子少傅分司東都上柱國晉陵郡開國公食邑二千戶歸融。祭於文華。揚歷清近。業冠前輩。才高當時。揔領屬官。預聞政事。凡日繁劇。無不踐更。刃皆有餘。施無不可。徧處重位。內修典法。三乘戎輅。外作屏毗。富而不驕。貴而愈謹。曾參三省。太叔九言。服以行之。終身不倦。實

士林之君子。爲朝廷之表臣。未究高年。遽聞長夜。爰舒痛悼。用加顯位。命之察長。以慰重泉。可贈尚書僕射。

讚語出新

令狐定贈禮部尚書制

勅。朕有表臣。作鎮南服。天不我助。遽此殲奪。用崇飾終之典。以舒痛悼之誠。故桂州本管都防禦觀察處置等使銀青光祿大夫檢校左散騎常侍持節都督桂州諸軍事兼桂州刺史御史大夫上柱國令狐定。始自結髮。至于壽考。直道而行。靡有悔德。初以友愛。謁閨門之風。中以文學。膺鄉里之選。終以德業爲名實之臣。爰自郎吏。至于藩翰。事藁必理。刃皆有餘。去載桂陽。雖

云旱耗聞其風俗芬若椒蘭昔爾元昆輔我聖
 考令汝猶子相予冲人公忠貞正衡鏡法式煥
 乎當代萃於一門上有佺助急難之名下有慈
 愛教誨之道聞於論者爾其得之跡去難留川
 逝不捨追命宗伯以慰重泉往而有知鑑我厚
 意可贈禮部尚書

紀其行實追其家世不為漫語燕文

杜樊川集卷十五

東海朱一是近修

評次

丹山吳 璵于庭

李訥除浙東觀察使兼御史大夫制

勅仲尼以舉賢才則理大禹以能官人則安况
 西界浙河東奄左海機杼耕稼提封七州其間
 繭稅魚鹽衣食半天下不有可仗豈宜委之正
 議大夫使持節華州諸軍事守華州刺史兼御
 史中丞充潼關防禦鎮國軍等使上柱國隴西

縣開國男食邑三百戶賜紫金魚袋李訥温良
恭儉齊莊中正實以君子之德華以才人之辭
揚歷清顯昭彰令聞輟自掌言式是近輔子貢
為清廟之器仲弓有南面之才智莫能欺剛亦
不吐表率教化皆有法度今者兵為農器革作
軒車言於共理在擇循吏是故用已效之績託
分寄之任擁禱旆而服玄王化千里而有三軍
儒者之榮莫過於此孔子曰仁者愛人智者知
人愛人則疲羸可蘇知人則才幹不棄土宇既

廣殺生在我考此二者可以報政榮加副相用
壓大邦爾其勉之無忝所舉可使持節都督越
州諸軍事守越州刺史兼御史大夫充浙江東
道都團練觀察處置等使散官勳封賜如故

甚言倚毗之重以榮之詞亦冠冕

盧搏除廬州刺史制

勅夫立人伯長。此周文王所以敬事上帝也。况廬江五城。環地千里。口衆賦重。豈可輕授。朝議郎守尚書刑部郎中柱國賜緋魚袋盧搏。以文學策名。才能入仕。周歷臺閣。嘗宰繁劇。鬱有佳譽。兼報善政。今者出郎官之帳。懸太守之章。言於清時。不爲不遇。上有命則違之。上有好則效之。此乃成王命君陳之言也。故行令不如行化。律人不如律身。念茲二者。可長人矣。無忝分寄。

缺

李暨除絳州刺史魏中庸除亳州刺史

曹慶除威遠營使等制

勅中散大夫使持節亳州諸軍事守亳州刺史
充本州團練鎮遏使雲騎尉賜紫金魚袋李暨
等昔貞觀末遣孫伏伽等二十二人各以六條
巡察郡縣以能進者止二十人獲死者七人流
竄黜免僅千百輩以太宗皇帝上聖憂勤之切
百執事奉法公謹之心守臣爲奸如此之衆况
今黜陟久廢仕進多門緬思疲人每渴良吏牧

守之念。予嘗軫懷。暨實文士。出典兵郡。不薄爲
吏。愛我百姓。盜賊奸宄。寢而不作。鰥寡孤獨。皆
有所養。中庸再分符竹。聞立善政。凡爲理者。皆
高仰之。今用已効之才。各委共理之任。句、法、流、簿書刀
筆。俗吏事耳。慈惠教化。君子宜之。二者較然。爾
欲何取。慶乃身帶兩綬。兵分禁營。得佩牛刀。立
於交戰。或有鄉里之譽。克肖友悌之風。百里長
人在王畿內。各思荅效。無忝寵榮。可依前件。

莊語中正多流動

李誠元除朔州刺史制

勅。銀青光祿大夫。檢校國子祭酒。前使持節。都
督勝州諸軍事。兼勝州刺史。御史中丞。克本州
押蕃落及義勇軍等使。上柱國。李誠元。開元時。
吐蕃上書。悖慢無禮。皆邊將造僞。交鬪華夷。冀
立功勲。以求爵賞。自長慶已降。怠於制置。西北
守帥多非其人。侵虐種落。厚自封殖。至使忿驚
之性。不甘欺奪之苦。近者聚爲內寇。至乃騷動
天下。因令循撫。果效信順。是以屢詔執事。慎於

選求僉曰誠元家本北邊志氣慷慨將軍之子
頗傳父業學萬人敵知四夷事跡榆林之前政
寄馬邑之名邦仍留兼官用震殊俗夫車馬甲
兵戰之器也禮樂慈愛戰所蓄也然後要之誠
信禦以堅明雖曰戎夷豈不畏服深期國士無
頽家聲可檢校國子祭酒使持節朔州諸軍事
兼朔州刺史御州中丞散官勲如故

勅書清逸便有雅歌投壺之况

薛達除秦州刺史制

勅兵者凶器也將者死官也若不擇才必有陷
敗銀青光祿大夫檢校右散騎常侍使持節隴
州諸軍事兼隴州刺史御史大夫充本州防禦
使上柱國薛達匈奴犯塞李廣逢時爪牙甚堅
翅翼頗健任以泝隴倚戎守封當賜輒分軍租
不入士爭爲死虜不敢犯今以天水名郡號爲
新都用汝守之期於鎮靜無召戎生事無翫戎
邀功正封疆守禮信險走集嚴候伍邊將之道

莫過於斯。弄印貂冠，皆爲榮秩。壯爾軍旅，惟恐不多。勉礪鋒鏘，以期報效。可檢校左散騎常侍使持節秦州諸軍事兼秦州刺史御史大夫充天雄軍使兼秦成兩州經略及義寧軍行營鎮遏都知兵馬使本道營田等使散官勳如故。

有戒詞無譽詞得使臣之體

田克加檢校國子祭酒依前宥州刺史

制

勅。銀青光祿大夫檢校太子賓客使持節宥州諸軍事兼宥州刺史御史中丞充經畧軍使押蕃落副使左神策軍宥州行管都知兵馬使上柱國鳳門郡開國侯食邑一千戶田克。梟俊無敵。感激輕生。李信之氣，蓋關中。陳安之勇，聞隴上。委以邊郡，能得士心。寇圍陰河，守陴甚寡。爾乃萬死不顧，一奮無前。奇兵徑衝，驍騎橫挑。圍

開孤壘。戰敗豪羌。言念忠勞。豈愛爵賞。帖以崇
秩。用酬奇功。畢萬疋夫也。百戰皆獲。有馬百乘。
死於牖下。死不在寇。此乃趙鞅誓衆之辭也。宐
念古人之言。勉作萬夫之特。可檢校國子祭酒。
餘俱如故。

談語爽傑。讀之奮起。

薛淙除鄧州任如愚除信州虞藏玘除

印州刺史等制

勅。朝議郎前使持節坊州諸軍事守坊州刺史
薛淙等。仲尼對魯哀公曰。人道之大。莫先爲政。
漢宣帝曰。與我共治者。其唯良二千石乎。念先
師賢聖之言。思疲人良吏之選。夙興夜寐。不忘
於此。淙以文科入仕。命守邊郡。屬當代叛兵於
其郊。處劇不繁。事叢皆辦。如愚進以門子。屢爲
長吏。其有政化。可差古人。藏玘與逢閔。官簿而

頗多言理名而亦著。紹元嘗聞謹慎。可宰百里。已所不欲。勿施於人。無忘格言。副我優寄。可依前件。

何其雅潔

鄭液除通州刺史李蒙除陳州刺史等

制

勅朝議郎前守太原府晉陽縣令上柱國鄭液等。今之郡守。爲人師帥。宣上教化者也。以液久在官途。嘗宰大邑。聞其爲治。人歌舞之。以蒙執爰前驅。予之雄也。光祿護塞。居延視胡。虜不敢窺。士爭爲死。各委分寄。實曰遷升。通州雜以華夷。淮南兩有兵賦。爾其往哉。今用誠爾。爲天子之守臣。作百姓之長吏。言於仕進。可曰顯榮。夫

意語戒君子之道。先有諸已。後求諸人。苟能律身。始可檢下。勉詳詔令。用謹理行。從規始於門子。入仕恭謹無尤。自州佐而升在朝。班列五尚。而職三服。亦爲良遇。無忝官常。可依前件。
獎誠詳畧多有層折

王晏實除齊州吳初本巴州陳佺渝州

刺史等制

勅正議大夫前使持節淄州諸軍事守淄州刺史上柱國太原縣開國男食邑五百戶賜紫金魚袋王晏實等。俟善政而後用。或蔑無所聞。滯序進之常途。則怨生於下。古今政柄。患斯二者。晏實初本佺等三人入仕年多。亦嘗爲郡。聞無悔吝。是孰詔條。濟南跨河有兵有賦。巴渝夷俗慷慨豪健。刑於樂典。爾其往哉。古之人有言曰。

子苟爲善。誰敢不勉。身率以正。孰敢不正。欲謹於行。在於廉平。弘宗溫慎有餘。王屬咸爲清秩。銖以文學。嘗佐賢侯。作掾京兆。亦曰美仕。皆有官業。慎無自薄。可依前件。

要言包括獎戒之意備焉

郭瓊除渠州郭宗元除興州等刺史王

康除建陵臺令等制

勅太中大夫前使持節文州諸軍事守文州刺史兼侍御史克本州鎮邊使上柱國郭瓊等。隣山順政。僻處山谷。罕知文律。易爲欺奪。瓊與宗元守郡宰邑。聞無悔吝。爾其往哉。仲尼曰。正身而人正。欲善而人善。撫我疲俗。宐遵格言。苟或不臧。貽爾之戚。雅康入仕。嘗在班列。青宮贊導。陵邑守奉。若非謹慎。不膺斯任。可依前件。

莊意約辭

吳從除蓬州賈師由除瓊州蕭蕃除羅
州刺史等制

勅中散大夫前使持節柳州諸軍事守柳州刺
史上柱國賜紫金魚袋吳從等地遠京邑俗雜
蠻夷不知文律易爲欺奪朝廷選置多無名人
小則抑鬱不伸大則聚以爲寇蓬緣巴徼其風
忿勁瓊處海外在兩漢時往往小反羅居百越
磳洞深阻咨爾三吏比嘗爲郡亦執有政勿以
荒服侮我疲人或異詔條必寡厥辟涓當叙進

優以上佐。苟有聞見。無忘禪助。可依前件。

荒微爲吏。尤湏得人。申命切至。

裴閱除温州刺史伊實除獻陵臺令等

制

勅正議大夫前使持節忠州諸軍事守忠州刺
史上柱國裴閱等。江峽之間。其俗剽悍。聞爾爲
理人。惜其去。若不遷陟。豈酬政能。洎師素等。久
居官常。皆無悔吝。半刺列郡。人所咨稟。衣冠弓
劍之地。霜露感思之心。尤籍謹良。以顯守奉。各
服休命。勉於始終。可依前件。

刻意高脫

陸紹除信州刺史封載除遂州刺史鄭

宗道除南鄭縣令等制

勅中大夫前使持節申州諸軍事守申州刺史
上柱國賜紫金魚袋陸紹等夫以冉求之才方
六七十為之三年洒然然後可使足人今者一州之
地五六於此况上饒參以越俗遂寧旁緣巴徼
號為沃野皆有厚賦委之分寄實難其人以紹
其先君子仍代作相能以儒學緣飾吏理以載
頗有長者之舉聞於士林之間夫二千石所繫

朕常留念。舉以授爾。能不誨乎。卹孤獨。逮不足。脩其教。徇其宜。凡此四者。著於王制。勉循古道。以活疲民。宗道宰邑。卓然善政。廉使上課。書爲第一。列於遷陟。得以不時。無易初心。以失前効。可依前件。

叙列緊簇。殊不縟鈍。

張德翁除歸州刺史李承訓除福昌縣

令盧審矩除陽翟縣令等制

勅。朝議郎前京兆府渭南縣令上柱國張德翁等。德翁承訓審矩。爲天子之守臣。作百姓之長吏。仕而至此。斯亦達矣。匹夫爲善。人猶則之。守令所爲。誰敢不化。詩曰。爾之教矣。人胥効矣。可不勉之。量助奉陵邑。以謹慎選。執臨師景參諒等。各以序進。亦爲良遇。可依前件。

亦脫

王樟除雅州刺史郭銷除右諭德等制

勅朝議郎前守成都縣令上柱國賜緋魚袋王樟等。廬山江關扼束。控西南夷。置吏不善。所虞非細。以樟嘗宰劇縣。在會府中。條令和平。吏人嘉美。跡爾前政。撫予遠人。禮曰人之所好。已亦好之。人之所惡。已亦惡之。以此用心。何憂不理。暨銷與綬。門子清族。閱其官簿。入仕已久。東朝諭導。名藩上寮。頗爲優閑。宜服休命。可依前件。撫遠人而同好惡。甚難。故舉以爲勗。

傳孟恭除威州刺史宣敏加祭酒兼侍
御史依前宣歙道兵馬使知防秋事

等制

勅開府儀同三司檢校國子祭酒前使持節都
督銀州諸軍事兼銀州刺史御史中丞充本州
押蕃落及監牧副使兼度支銀川營田使上柱
國清河郡開國公食邑二千戶傳孟恭等孟恭
山西將門并州壯士雖長鉅都尉黑稍將軍校
其忠勇無以過也左官非罪志氣益堅守邦有

聞官業克奉。今以威州新造。虵豕之衛。非爾材力。不能震壓。遂以武健。佐助戎臣。觀其列狀。頗著勤效。敏於窮塞。提挈孤軍。樹立和門。繕完械用。輦飛虹亘者。三百間。耀雪吹毛者。數萬事。言其勞績。亦少比倫。各兼憲班。或伏熊軾。可曰榮遇。無自懈怠。可依前件。

勁采雅堪激勵

姚克柔除鳳州刺史韋承鼎除櫟陽縣

令王仲連贊善大夫等制

勅中散大夫前使持節利州諸軍事守利州刺史上柱國姚克柔等。仲尼曰。人道之大。莫先為政之功者。其長人乎。克柔嘗典一邦。愈知為理。承鼎增宙等。開敏有材。幹能堪事。河池名郡。畿內小侯。仕於清時。皆為良遇。大凡為理之要。先事孤弱。譬諸草木。無倦栽培。仲連荏苒宦途。歲月滋久。東朝贊導。亦曰升遷。各慎厥官。無忝榮

命可依前件

華簡可挹

宋載言除循州刺史袁循除渭南縣令

張公及除獻陵令韋幼章除京兆府

倉曹等制

勅前靈鹽節度掌書記朝請郎試大理司直兼

殿中侍御史朱載言等刺史縣令古縣令何皆古之五等

諸侯行詔條紀綱專教化殺生者也得其才則

疲人蘇息非其任則百姓愁怨載言循省問遠

等或以吏理進官或以科名入仕當此選擇聞

無悔尤海豐越俗王畿名邑夫邪正表前之影

教令草上之風。若非律身。不能爲理。公及以謹
勤。膺陵邑慎選。幼章以才敏坐京兆劇曹。各有
官業。無自廢怠。可依前件。

守令比于諸侯。臨民最近。其任重。其情親。讀
此。不無今日之感。

支某除鄆王傅盧賓除融州刺史趙全

素除福陵令等制

勅。銀青光祿大夫前使持節邢州諸軍事守邢
州刺史兼侍御史充本州團練使上柱國支某
等。近者控名責實。事不苟且。量材適用。咸當所
宜。咨爾某等。各於進官。亦以勞久。至門爲傳。越
微分憂。泊守奉園陵。毗佐列郡。皆曰美秩。盡獲
優安。各務清勤。無掇悔吝。可依前件。

簡而文

鄭懷除大理少卿致仕制

勅。朝散大夫檢校太僕少卿前兼江陵少尹上
柱國鄭懷。四代所貴。事皆不同。至於尚齒。其道
一也。聞爾久居官次。年踰月制。家唯四壁。身無
一簪。今者致政里居。亞列半俸。足得安枕。几而
就。願養敬老之道。亦爲優異。可守大理少卿致
仕。散官勲如故。

養老恭舊其言藹如

杜樊川集卷十六

東海朱一是近脩

評次

丹山吳 璵于庭

王釗除皇城留守制

勅銀青光祿大夫檢校刑部尚書前兼左金吾
 衛大將軍御史大夫充左街使太原郡開國公
 食邑二千戶王釗常侍文陛召見武臺願以五
 千獨當一隊思長持重之才久安之術避必戰敢死之
 虜頗噙免胄獨能全師洎繁纓趨朝執金入侍

夷險一貫。忠勞兩兼。子尾之疾。雖平。郟克之步。尚蹇。官崇環衛。職實司武。入座副相。不失舊榮。且務優安。勉於遵養。可檢校刑部尚書兼右領軍衛上將軍御史大夫。充大內皇城留守。散官如故。

想見其人多謹慎

王知信除左衛將軍史寰除右監門衛

將軍等制

勅昭武軍校尉前守右驍衛將軍上柱國賜緋魚袋王知信等。古人之爲理也。不以一青而掩大功。克廣紹子文之宗。霍陽繼博陸之後。知信烈祖。貝兵之戰。可庇十代。豈止曾孫。寰父伯仲。亦效忠懇。提挈全魏。歸于朝廷。今者寵以將軍。旌其舊德。豈唯獨舉賞延之典。亦欲使列士諸將。自爲孫謀。葵鑄明諂。入仕已久。皆無悔吝。故

有序。遷臨封遠邦。蔡毫兵部。分憂佐理。無忘謹廉。可依前件。

世將之制。故當如是。

張直方授左驍衛將軍制

勅。朕據南面之尊。制一代之命。先講百官之法。後行四方之政。若有罪不問。是倒持太阿。有頑不磨。是廢去砥石。則拱視天下。何以爲理。雲麾將軍起復。檢校刑部尚書。兼右羽林統軍將軍。御史大夫張直方。席其先人。任爲邊將。披誠向闕。執玉來朝。近臣勞郊。大匠理第。典兵於禁門之內。立侍於交戟之中。校其寵榮。無與等比。而乃每輕法檢。恣爲邀盪。擅去宿衛。潛遊異縣。有

木契川集 卷十六
司問狀持舌不言。以至再三始引憊闕。古人有云。語人必於其倫。觀過必於其黨。念其生自戎旅。素不鐫琢。既觸法網。亦可矜容。加滕墜泉。予常自慎。小懲大戒。爾宐知恩。不失將軍之榮。仍存兼官之重。足得湔洗。以俟甄升。可銀青光祿大夫檢校刑部尚書兼右驍衛將軍御史大夫阿怒而不失其溫厚。情詞俱得。

朱叔明授右武衛大將軍制

勅。金紫光祿大夫檢校工部尚書兼左武衛上將軍御史大夫上柱國吳興郡開國公食邑二千戶朱叔明。司馬軍令。黃帝李法。兵家尚嚴。始可尅敵。邊將破虜。詐增首級。亦罪之小者。漢文時。魏尚囚繫。漢宣時。田順自殺。開元中。幽州長史趙含章大破奚虜。旋坐贓賄。放流瀼州。縱有功勞。不贖罪犯。是以拓土萬里。垂功中興。自長慶已還。益輕邊事。選拔將帥。多非賢良。豪奪種

松欒川集 卷十六 四
落蹄角之畜。割削士卒衣食之賜。見利則往。見弱則欺。罔酬恩榮。不顧廉恥。積帛藏鏹。丘累陵聚。是以戰士離落。兵甲鈍弊。積三十年。擲之。不問近者。伐叛益知其由。屢下詔書。誥誠深切。豈知頑昧。不可鑄琢。嗟爾叔明。材惟樸樵。性命淺狹。其兄叔夜。以賊抵刑。不出私門。可視覆轍。忝據藩翰。已積歲時。料甲峙糧。既乏素效。事虜接戰。不報寸功。而乃公欺降戎。乾沒戰馬。歸充伏櫪。告以弊帷。人之無良。一至於此。昔曹劌請戰。

卜式輸財。俱是匹夫。不與公食。爾乃貴擁旌鉞。任倚邊陲。何其用心。與古相萬。諫臣拜疏。前罰未塞。尚爲恩貸。不失將軍分務。洛師可以循省。可右武衛大將軍分司東都。散官勲封如故。
古而不僿

梁榮幹除檢校國子祭酒兼右神策軍

將軍制

勅北落親軍夾峙官省。選忠勇者為吾爪牙。右神策軍奉天鎮都知兵馬使銀青光祿大夫檢校國子祭酒兼右威衛將軍御史大夫上柱國安定郡開國公食邑二千戶梁榮幹射必落鵬力能振武自晦雄毅益守謙恭故能塞護長榆兵分細柳恩加士卒名著勤勞今日擢掌五兵榮懸三綬勉礪鋒鏑上答寵光可檢校國子祭

杜英川集 卷十六
酒兼右神策軍將軍知軍事御史大夫克馬軍
都虞侯散官勲封如故

辭寡而貴

呂衛除左衛將軍李銖右威衛將軍令

狐朗除滑州別駕等制

勅忠武將軍前左武衛將軍兼濃州長史合川
郡公賜紫金魚袋呂衛等衛爲天驕之魁來就
諸臣之位誠敬忠信不失其常銖朗入仕歲久
閱官頗多詞令聞無尤違是率理道將軍上佐半刺
之任言於清時皆爲美仕帖以祿秩之綬用嘉
慕義之心慎無自輕勉於敬畏可依前件

古約

張幼彰程修已除諸衛將軍翰林待詔
等制

勅翰林待詔昭武校尉前守左驍衛將軍上柱
國賜紫金魚袋張幼彰等幼彰修已鴻都奏伎
攻於丹青用志不分與古爭品審以武進晚能
知書屢以辭章上干丞相知實以謹良縮務師
儒以詳練守職或藝或勞或遷或拔將軍佐僚
皆爲寵擢各守職秩無忘專慎可依前件

燁寶讓坐

一品孫李明遠授左千牛備身等制

勅。一品孫李明遠。三品孫韓鏐等。立侍交戟。纔能勝冠。出入見君父之尊。師資益忠孝之道。流離少好。騏驥老成。宜念聿修。慎無欲速。明遠可致果副尉。守左千牛備身。鏐可翌麾校尉。守左千牛備身。

得訓示之道

李鄂除檢校刑部員外郎充鹽鐵嶺南
留後鄭蕃除義武軍推官等制

勅前鳳翔節度副使朝議郎侍御史內供奉賜
緋魚袋李鄂等五嶺之表地遠京邑吏以法制
奉公下以文律自持蓋亦寡矣而鹽鐵摧束之
籍延袤萬里若當其才非唯山澤之饒歸於公
上亦得以遠人利病聞於朝廷今吾丞相揣摩
新規改易舊制以鄂文學廉慎當官挺然嘗倅
賢侯號爲名士以此委任必有可觀蕃瑾嗣閔

咸有才能。佐藩評刑。知已所請。各進官秩。皆爲榮遇。宜思報效。無累薦延。可依前件。

疏簡

韋宗立授檢校倉部員外郎知鹽鐵廬
壽院等制

勅。權知鹽鐵廬壽院事。朝請郎侍御史內供奉
韋宗立等。近者恢復河湟。訓定羗虜。江湖之間。
人安而不擾。供饋之費。財有餘而力不蹙。實由
管。推委之名臣。今者尚書休以爾宗立等。上言
咸曰清白處已。勤謹奉公。予安能知無不可者。
暨頡與潛。皆稱名士。自有丞相爲爾已知守職。
佐藩無忝新命。可依前件。

表尚書之薦以鼓勵之

房次玄除檢校員外郎充度支靈鹽供
軍使等制

勅前知度支河南院事朝散大夫試太子司議
郎兼侍御史上柱國賜緋魚袋房次玄等有司
臣各言爾等或以科名文學或以清白才用列
於薦籍其辭甚美分金穀推運之務無忘謹廉
佐諸侯將軍之府宜竭禪助報知苟盡能不達
乎爾其勉之可依前件

意與前制類

李知讓加御史中丞依前邠州刺史韋

瓊加侍御史充振武軍掌書記等制

勅大中大夫使持節邠州諸軍事守邠州刺史
充兵馬留後上柱國賜紫金魚袋李知讓等以
知讓所理雜以華夷宜假霜臺用壓戎落瓊瑋
觀等皆吾卿大夫之令子弟也戎臣知之請為
佐理夫幕吏之道有事必言知無不為考於職
分亦無本局各思報效勿事依違可依前件

警策

崔彥曾除山南西道副使季詵山東道

推官楊元汶京兆府法曹等制

勅朝議郎行鄭州管城縣令上柱國賜緋魚袋
崔彥曾等戎臣請士京兆求賢披其薦籍皆曰
才能彥曾左官非罪理人異等詵張王賢客梁
苑辭人元汶官決平之司無舞文之過移爲典
獄陟在賓階不累已知唯有直道可依前件

彌見芳雋

李承慶除鳳翔節度副使馮軒除義成

軍推官等制

勅朝議郎前守太常丞上柱國李承慶等以文學升名於有司。以才能入仕於官次。諸侯辟之。佐於賓席。天子用之。升於朝廷。次第等級。大小高下。亦與古之鄉舉里選。考德試言。無以異也。爾等皆吾卿大夫之令子弟也。清風素範。克肖家聲。屬辭彫章。能取科第。既有知己。皆爲才人。賢觀與遊。達視所舉。今爾賓主。兩皆得之。義則

進。否。則。退。無。爲。美。亦。以。求。苟。容。可。依。前。件。

詳述其所由來見命職之慎

夏侯瞳除忠武軍節度副使薛途除涇

陽尉充集賢校理等制

勅。前。昭。義。軍。節。度。判。官。朝。議。郎。殿。中。御。史。內。供奉。夏。侯。瞳。等。瞳。以。科。名。辭。學。開。敏。多。才。久。遊。諸侯。常。蘊。令。聞。周。知。吏。理。兼。能。潔。身。戎。臣。上。言。願爲。毗。贊。旣。諾。仕。以。委。質。宐。直。道。以。酬。知。途。以。文。行。策。名。節。趨。清。遠。言。於。後。進。實。爲。秀。人。延。閣。典校。丞。相。所。請。勉。循。階。級。以。至。堂。奧。可。依。前。件。

秀氣可聞非凡筆能辦

蕭孜除著作佐郎裴祐之陝府巡官崔

涇櫟陽縣尉集賢校書等制

勅。在春秋時。晉爲諸侯國也。尚立公族大夫。教
育諸卿之子。富有賢哲。不假搜聘。召同列而會
者。三百餘年。况今天覆盡得。而禹畫無遺。名卿
賢相之家。清風素範之族。子孫森羅。髦俊並作。
次第叙用。豈嘆乏才。匪使判官將仕郎守國子
監太學博士蕭孜等。或以秀異得舉。文學決科。
或以行實立身。遭逢知己。皆後生可畏之士。爲

當時有才之人。東觀著述。殿閣典校。參畫幕府。開導獻納。清秩美職。二者兼之。不由階級。安至堂與。勉於脩慎。以候超升。可依前件。

獎勵風雅

楊知退除鄆州判官薛廷望除美原尉
直弘文館等制

勅將仕郎前守京兆府藍田縣主簿楊知退等。國家盪定齊魯。餘三十年。多用名儒。鎮之以還古俗。其賓吏皆爲秀彥。弘文館四部群書。十八學士。詳考理亂。鋪陳王道。此乃貞觀之故事也。若非名士。固不與焉。知退與途文行溫雅。副幕府之求。廷望才學聲華。膺丞相之選。當戰伐之後。切於供饋。庠績自以謹幹。稱於有司。予非能

知咸狗其請。各宐率勵。無累所舉。可依前件。
榮其所舉。禪受職者。知奮。

白從道除東渭橋巡官陶祥除福建支
使劉蛻壽州巡官等制

勅。度支東渭橋給納使巡官將仕郎試大理評
事兼監察御史白從道等。朕以國計出入。委以
表臣。尚書郎當戰伐之餘。財穀殫歷。斷長補短。
以無爲有。今者上言三吏。皆曰周才。校其智能。
足應事役。暨守臣貽孫等。亦曰祥蛻文學溫慎。
可在賓階。才者得失之端。士者功名之本。勉於
自勵。無負已知。可依前件。

綜理財穀爲難非真才不能

盧籍除河東副使李推賢殿中丞高湜

除湖南推官薛廷傑桂管支使等制

勅河東節度副使朝散大夫檢校大理少卿攝
御史中丞上柱國盧籍等夫諸侯之任重矣其
行道也得以阜俗變俗其行法也得以刑人賞
人若張政化得以助業某等上言咸舉可用籍
等或負才器倜儻不群或以文章策名俊秀或
有幹局可佐囹圄皆徇所請予安能知并州近
胡王業茲始艱難以來何戰不會長沙始安頗

聞早耗各宜良士以佐賢侯夫直道枉道無他故也取容盡節而已勿慮後患宜竭報知暨殿省佐僚縣道為郡豈曰虛授亦當爾才正霜臺之舊名班芸閣之初命各服寵祿勉於自強可依前件

此制更多開發

鄭碣除江西判官李仁範除東川推官

裴虔餘除山南東道推官處士陳威

除西川安撫巡官等制

勅浙江西道都團練判官將仕郎監察御史裏行鄭碣李仁範暨虔餘等咸以文行策名清時諸侯知之命為幕吏少微四星處士毗輔之宿也天之布列在軒轅前此乃天意親近賢良先於妃后威者吾能言之耕延陵之臯荷石門之條沉如魚潛冥若鴻翔非吾賢相爾不肯起狗

酬知已以壯在野。並可依前件

奇典

裴詒除監察御史裏行桂管支使等制

勅前鄆曹濮等州觀察支使朝散大夫試大理
評事裴詒等守臣有司上言請士皆曰詒等士
旅之中有政事科名清廉公謹嘗經職守稱有
才能用証奇古人於一飯之恩尚有殺身以報况於知
已得不勉之可依前件

瑣言証入皇制脫甚

石賀除義武軍書記崔涓除東川推官

等制

勅朝議郎行秘書省著作佐郎石賀等朕寄惟
侯之事重矣。大者教化風俗。小者惠養黎衆。環
千里之疆。縮三軍之衆。講求倚用。不五六人。守
臣公度仲郢所請賀等。各以文學決科。愷悌干
祿。觀其褒舉。皆是才名。能報所知。在爾賓主。予
不與焉。暨鑲與鈞。亦稱智敏。神州作掾。五庫掌
財。足展幹能。無惰官守。可依前件。

任之重望之深

顧湘除涇原營田判官夏侯覺除鹽鐵

巡官等制

勅前振武軍節度判官文林郎監察御史裏行
顧湘等近者循名貴實科指稍峻諸侯有司亦
各搜選才良以佐物務湘覺本以文進兼通吏
理從周暨魯皆稱幹能于以聲韻上獻律呂精
功雖曰小道亦有可觀狗請酬勞咸加新命各
守職分無忘用心可依前件

才藝見推用人無方

趙元方除戶部和糴巡官陳洙除長安

縣尉王巖除右金吾使判官等制

勅攝戶部巡官宣德郎試秘書省校書郎兼殿
中侍御史趙元方等各爲長才自有知己地官
平糴專豐耗發歛之任京尉坐曹決事得操豪
猾交戟之內贊佐衛臣言於仕進皆曰得路勉
思報效無累所舉並可依前件。

亦雋

韋承鼎除左贊善大夫韋諝除尚食奉
御柳謙除壽安縣令韋選除義昌軍
推官錢琦除滄景支使等制

勅前度支東渭橋給納使巡官徵仕郎試大理
司直兼殿中侍御史柱國韋承鼎等持身謹潔
美才周通奉公當官先勞後祿端雅守道俊秀
升名久遊賢侯衆稱君子參東朝之贊論分五
尚之職秩糺大府群吏之失提主畿生齒之籍
方六七十長億萬夫金臺嘉招武幄與食法官

憲秩以壯藩垣。進於清時。皆爲美仕。近者屢譴幕吏。予豈無意。蓋欲廓賓階。敢言之路。誠諸侯自是之尊。惟滄新造。控制兩河。付之誠臣。尤籍良畫。若免後患。慎勿苟容。各修官業。無自媮薄。可依前件。

鐫琢

康從固除翼王府司馬制

勅。新授銀青光祿大夫檢校國子祭酒兼濮州長史殿中侍御史上柱國康從固。其父秀榮。實爲名將。李廣多爭死之士。竇嬰無入家之金。一收七關。易如拾芥。念爾跨馬事敵。執戎同仇。壯比文鴛。勇同李敢。子之能仕。父教之忠。古人之言。信不虛設。今者願留闕下。以奉朝請。念其垂誨。可見至誠。曳裾憲寮。用爾恩寵。宐思終始。上報君親。可檢校國子祭酒兼翼王府司馬殿中

不雜親

侍御史散官勲如故

勗之報君并勗之報親其言藹然

張正度除汾州別駕等制

勅中散大夫前守青州別駕上柱國張正度等
各以才能仕進。謹慎修身。積日累時。咸有知己。
或以序進。或徇所請。皆佐列郡。無怠官常。可依
前件

馬迥除蜀州別駕等制

勅中散大夫前守彭王府司馬上柱國馬迥等。
以爾入仕歲久。愈知爲理。半判上佐。得與二千
石參校政事。短長利病者也。今以名郡。藉其欣

助。各有兼授。以峻等衰慎守官常。無自偷惰。可依前件

二篇俱簡潔

杜樊川集卷十七

東海朱一是近脩

評次

丹山吳 璵于庭

高駢除祭酒兼侍御史依前充職右神

策軍兵馬使制

勅右神策軍右廂兵馬使兼押衙銀青光祿大夫檢校國子祭酒前靈州大都督府左司馬殿中侍御史上柱國高駢。禁旅典兵。為吾瓜士。言念付祿。未稱輸勞。外之王官。帖以憲秩。可日榮

遇無忘盡悴。可檢校國子祭酒兼濮王府司馬
侍御史餘如故

忠武軍都押衙檢校太子賓客王仲玄
等加官制

勅忠武軍節度右都押衙銀青光祿大夫檢校
太子賓客兼殿中侍御史王仲玄等。自艱難已
來。言念許師。何役不行。何戰不會。居常則長法
知禮。臨敵則致命爭登。標於和門。不忝忠武。爾
等短衣長劍。事寇乘邊。觸履艱危。無所顧慮。將

軍列狀。憲班酬勞。勿矜常勝。無忘淬礪。可依前
件

勅內勅外詞令各得其體

右神策軍檢校押衙太子賓客尚漢美
等叙勲制

勅。前件等拔以貔貅之勇。籍於禁旅之中。大刀
長矛。重弓束矢。林會山立。星羅翼舒。唯以忠勤
供我宸極。錫之勲寵。以酬勞瘁。可依前件。

右龍武軍大將軍劉誠信等三十三人

叙階制

勅。右龍武軍大將兵馬都知正議大夫檢校太
子賓客上柱國賜紫金魚袋右龍武軍宿衛劉

誠信等技以勇聞。任因信普力可挾。轉以走敵。藝能奪。稍以制人。常礪鋒銛。無所迴避。自拱宸極。益展忠勞。思以報之。何惜階級。可依前件。

簡言可以鼓勇。

柳師玄除衢州長史知夏州進奏等制

勅夏州節度押衙知進奏朝議郎前權知杭州長史兼監察御史上柱國柳師玄等將軍護塞師玄主留邸之職。從瑜繼怱。以墨纒狗公。喪葬告滿。珪專書府藁委之務。咸有勞能。遷獎正名。亦其常也。各宜專謹。勿羅悔尤。可依前件。

逸甚

賴師貞除懷州長史周少鄴除虢州司

馬王桂直除道州長史等制

勅鳳翔府節度押衙知進奏銀青光祿大夫檢校秘書監前兼亳州長史殿中侍御史上柱國賴師貞等師貞主大藩留邸之事少鄴專史閣錯雜之務皆公謹歲久官次宜遷玄爽俾佐郡符亦有可取湖外饑人相聚爲寇蕩覆鄉縣勢如燎火蓋不得已遂至剪伐桂直用命一舉滅之。言念功勤宜有哀賞名郡上佐帖以憲秩耀

爾軍旅。可增義勇。可依前件。

或以階次遷。或以功勳用。釐然得宜。

景思齊授官知宣武軍進奏制

勅宣武軍節度押衙知進奏起復銀青光祿大夫檢校太子賓客兼歙州司馬上柱國景思齊等。諸侯之任。各有職貢。小者得循事例。大者決於朝廷。聞白啓導。屬在留邸。爾等咸以謹密。能膺任使。或外除喪服。或超授新命。不失職祿。勉於忠勤。可依前件。

謹密爲居官之要。徃徃摘言。

馮少端等湖南軍將授官制

勅湖南同團練副使馮少端等皆長沙勇士同擢兇徒言念功勤咸宜升獎帖之憲秩試以崇班名郡椽曹亦爲美稱特加恩寵非用彝章耀爾轅門可增忠壯可依前件朱諫周豹二人委本道量事優獎官健陞滿等一百二十八人弩手并子弟周質等四百八十五人並委本道酌事量加賞給

激勵武臣每每誇耀

武官授折衝果毅等制

勅具官某等。夫折衝果毅。皆吾武位。以廷勇士
 國朝用此。以進立戰功。至將軍者衆矣。自府兵
 一廢。名存實亡。今之來者。豈其人哉。近以邊障
 隙開。寇戎患結。今之選將。愚謂亦宜從練兵。豈無萬人之敵。奮於下位之中。
 但使披文。空增拊髀。並可依前件

卽一制大寓感慨

張直方貶恩州司戶制

化尚書句自新

勅。朕聞先王之理也。設法誤羅。雖大必捨。不忌
故犯。縱小必誅。况乎凶狠不悛。罪戾日積。更欲
矜免。其如法何。銀青光祿大夫檢校刑部尚書
兼左驍衛大將軍御史大夫張直方。念以來朝。
嘉其慕善。付之寵祿。頗極尊榮。爲執金吾。鞭小
過而至死。作禁軍統。去異縣以恣遊。尚以生自
邊陲。素乏教義。退之散秩。以懲非心。俟其收杖
舊痕。湔洗前過。必欲牽復。用存始終。豈暴虐得

於天生險悍著於心本。核冒刑憲。縱恣胷臆。法所惡者。爾皆為之。白晝九衢。指憎萬手。作橫日甚。而不自知。滿於聽聞。豈可悉數。禮曰。凡有罪惡。屏於四裔。不留中國。唯舜能之。况之堅頑。有不移之姿。網羅無屢。開之典荒。服作掾。猶曰寬恩。爾能自新。豈惜後命。可守恩州司戶參軍員外。置同正員。仍即馳驛發遣。

案列聳動

王著貶端州司戶制

勅守愛州九員縣尉員外置同正員王著。漢家之制。雖丞今之宰員相相。法有甚于戊者子亦當戍邊。隋文之令。盜邊穀一升。坐法斬首。蓋以西北鎮戍。華夏保障。法苟不立。所虞非細。爾當羗寇犯塞之日。天子拊髀之時。命守關防。以為遮打。而乃占兵糧。自取傭直。屏之荒服。以謹其類。乃令厥子。叫閭稱寃。再命坐獄。備見罪狀。幸以得無逋負。可以矜寬。為列郡之掾。曹換萬里之一尉。足得循省。吾不負

人可守端州司戶參軍置同正員仍卽馳驛發遣

多用俚字而愈古

李玕貶撫州司馬制

勅朝散大夫守光祿少卿李玕昔開元致理之初冀州刺史平嗣光闕溫清之禮遂奪其官放歸田里是故四十餘年風俗忠厚教化之本豈先斯乎爾爲將相之家窮極富貴坐有大第官爲亞卿母子異居僅將十載有司彈劾事狀昭著於吾用法爾當何罪俾佐名郡尚曰寬恩可守撫州司馬員外置同正員仍卽馳驛發遣

婉語禪其省媿

姜閱貶岳州司馬等制

勅、朝議郎前守景陵臺令上柱國姜閱等、盜逆無狀、輒犯陵寢、侵攘法物、聞之震驚、爾等官業在於守奉、懈怠所政、是誰之過、言於未減、朕不敢議、各宜佐官、用正典刑、可依前件、仍並馳驛發遣

婉而深

武易簡量移梧州司馬制

勅守崖州司戶參軍員外置同正武易簡。寇來乘城。不能死節。以此播棄。爾亦何辭。然漢誅李陵。是為虐典。魏捨于禁。實得中道。使。之。深。愧。力不足者。法宐矜焉。守臣教為吾爪牙。能與別白。使易簡導生還之路。朝廷無失入之刑。咨爾三事大僚。百司庶尹。率能守此。可期治平。各宐盡規。朕不惜失。可守梧州司馬員外置同正員。

平刑納言兩得其道温然敦厚之音

王元宥除右神策軍護軍中尉制

勅。繁纓趨朝。交戟入侍。委以兵衛。固須信臣。內
樞密使。驃騎大將軍。行右威衛大將軍。知內侍
省事。上柱國。晉國公。食邑二千戶。王元宥。儉而
多才。忠而能力。事君盡禮。處已無私。自主樞要。
益見誠信。今者十萬全師。北落禁旅。視吳漢差。
強人意。非韓信無可計事。是以輟自心腹。寄茲
爪牙。以盡爾材。出於余志。爾戰歛豪猾。整肅威
容。無使鄉閭。致有侵害。勉酬倚任。以報君親。可

行右驍衛上將軍知內侍省事克右神策軍護
軍中尉兼右街功德使散官勳封如故

下語生列

周元植除鳳翔監軍制

勅控秦塞之西扼胡苑之左乃瞻岐隴爲國藩
牆命以監撫宐崇班秩鳳翔監軍使銀青光祿
大夫右領軍衛大將軍員外置同正員上柱國
汝南郡開國公食邑二千戶賜紫金魚袋周元
植事君以敬處仕無私節操凌霜而不凋肝膽
開忠而洞見謙以自得高而益競累監三軍推
誠一貫言念西塞未得高枕用其聲實以護藩
垣夫處於兵戎予今誠汝無怨格言不過於遠利伏

衆莫若於律身立事成功。酬恩垂美在此二者。汝其勉之。寵以內省之崇。仍兼將軍之貴。往服休命。無忝恩榮。可守右監門衛大將軍知內侍。大哉王言深悉爲將之理。

宋叔康妻封邑號制

勅。詩稱鵲巢。禮榮翟第。旣彰爪牙之効。宜齊伉儷之榮。左神策軍中尉兼左衛功德使特進左領軍衛大將軍內侍省事上柱國廣平縣開國侯食邑一千戶宋叔康妻清河縣君居氏。懿茲柔俶。作配忠勳。能潔蘋繁。克叶姻族。成此內則。穆其壺風。稱爲令人。實光婦道。爰疏封爵。用舉典章。可服寵榮。勉於輔佐。可封清河郡夫人。

吐突士暉妻封邑號制

勅詩美夫人。禮稱內子。允膺腹心之任。宜崇家
室之榮。弓箭軍器等使。特進行右領軍衛大將
軍知內侍省事上柱國陰山縣開國公食邑一
千五百戶吐突士暉妻咸陽縣君田氏。生於富
貴。作配忠貞。柔婉自卑。儀範可則。職勤賓祭。道
睦姻親。既諧閨風。克成婦德。爰加禮秩之貴。以
彰輔佐之勤。榮我疏封。無忘內助。可封鴈門郡
夫人。

亦雅飭

新羅王子金元弘等授太常寺少卿監

丞簿制

勅某臣等感恩知義。奉贄不闕。居大海之外。爲
有禮之賓。爾國是也。自列國卿。至于署丞。皆吾
文吏之選。次第授爾。亦所以表他國不同禮也。
將我恩寵。耀爾殊隣。慎勿怠違。永作藩屏。並可
依前件。仍並放還蕃。

西州迴鶻授驍衛大將軍制

勅古者天子守在四夷。蓋以恩信不虧。羈縻有

禮。春秋列潞子之爵。西漢有隰陰之封。考於經
文。其來尚矣。西州放首頡于伽思。俱宇合逾越
密。施莫賀都督宰相安寧等。忠勇奇志。魁健雄
姿。懷西戎之腹心。作中夏之保障。相其君長。頗
有智謀。今者交臂來朝。稽顙請命。又俎寸卽。高
仁重爵。舉以授爾。用震殊隣。無忘敬恭。宐念終
始。可雲麾將軍守左驍衛大將軍外置同正員
餘如故

文足以安遠

沙州專使押衙吳安正等二十九人授

官制

勅。沙州專使衙前左廂都知押衙吳安正等。自
天寶以降。中原多故。莫大之虜。盜取西陲。男爲
戎臣。女爲戎妾。不服弔伐。今將百年。自朕君豈
敢偷惰。乃命將帥。收復七關。爰披地圖。實得天
險。遂使朝廷聲聞。聞於燉煌。爾帥議潮。果能抗
忠臣之丹心。折昆夷之長角。竇融西河之故事。
見於盛時。李陵教射之奇兵。無非義旅。爾等咸

能竭盡肝膽。奉事長帥。將其誠命。經歷艱危。言
念忠勞。豈吝爵位。官我武衛。仍峻階級。以慰皇
華。用震殊俗。可依前件。

典古風華

契丹賀正使大酋領等授官制

勅。幽州道入朝賀正契丹大酋領討魯等。天子
有道。守在四夷。爾今來朝。予亦增愧。綏之玉帛。
榮以班秩。宐懷恩寵。未保封疆。可依前件。仍並
放還蕃。

黔中道朝賀牂牁大酋長等十六人授

官制

勅。黔中道朝賀牂牁大酋長攝克州刺史趙瓊
林等。夫西南諸國。自古多順。在法度之外。居繩

墨之表。來朝有禮。歸貢不闕。王帛以將厚意。階級以峻等襄。各服寵榮。無忘恭敬。可依前件。仍並放還蕃。

不夸而謙。柔遠良法。

燉煌郡僧正慧苑除臨壇大德制

勅。燉煌管内釋門都監察僧正兼州學博士僧慧苑。燉煌大藩。久陷戎壘。氣俗自異。果產名僧。彼上人者。生於西土。利根事佛。餘力通儒。悟執迷塵俗之身。譬喻大宅。舉君臣父子之義。教爾青襟。開張法門。顯白三道。遂使悍戾者。好空惡殺。義勇者。徇國忘家。禪助至多。品地宜峻。領生徒坐於學校。貴服色。舉以臨壇。若非出群之才。豈獲兼榮之授。勉弘兩教。用化新邦。可充京城。

臨壇大德餘如故

佛以儒重果然

